

Delfēnā prougramas nebkartuojė

Mes, pagīvenė žmuonis
Ėš Skouda rajuona,
Susėruošiem i dėdėlė keliuonė.
Važioudamė dainiavuom
Ėr eilės deklamavuom,
Prisėmėniem vaikīstė,
Kažkor nomaklėniejosė jaunīstė...
Tep ī Klaipieduo gretā atsėdūriem,
Ė pru longus veiziejuomies santūrė,
No bet tən, Jūru muziejou Klaipieduo,
Vos ė žada nepraraduom.
Ka gīvūna tuokėj mondrė –
Tən jūru liūtā ė delfēnā
Miegėna žaistė net krepšini.
Vo mes tik joukiemies ė pluojuom,
Bet anėi prougramas nebkartuojė.
Paskou aplonkiem Joudkrontė Nida,
Lėpuom i Raganu kalna,
Vo tən skulptūru mediniū galībė :
Ožkornīs, Eglė – karalienė žaltiū,
Ė dar daug kėtuokiu be ožrašū.
Pasėdžiaugiem Kuršiu mariuom,
Parnidės smėltiu kuopuom,
Kuokiū nerasi vėsuo Euruopuo.
Vo unt pat gala pamatiem net pragara vartus.
Vo kou pu tuo bepasakīsi?